

Immikkoortortaqrariit (SIP) malittarisassaasut nalinginnaasut

Sulinermik Inuussutissarsiuqartut Peqatigiiffiat Kangerlussuaq - SIPK

§ 1. Immikkoortortaqrariup aqqa Sulinermik Inuussutissarsiuqartut Peqatigiiffiat Kangerlussuaq; naalisarlugu SIPK

§ 2. Immikkoortortaqrariup angerlarsimaffia SIPK, , Postboks 14, 3910 Kangerlussuaq

§ 3. Immikkoortortaqrariup Sulinermik Inuussutissarsiuqartut Kattuffiannut (SIK) ilaavoq.

Siunertaq suliassallu

§ 4. Immikkoortortaqrariup siunertaraa suliassaralugillu suliffeqarfinni sulisut sinniisaat suleqatigalugit

- Immikkoortortaqrariit allat SIK-llu ingerlatsivii allat, soorlu SIK-p allattoqarfia, kingunissalimmik suleqatiginerisigut ilaasortanut iluaqutissiinissaq.
- Sulisartut aamma lærlingit/ilinniartut sumiiffimmiittut tamaasa ataatsimoortissallugit akissarsiatigut atorfeqarnikkullu atugassarisanik pitsaasunik kiisalu sullivinni suliffeqarnikkut avatangiisinik toqqissisimanartunik angusaqarumalluni.
- Isumaqaqatigiissutit inatsisillu atuuttut – soorlu sullivimmi avatangiisit pillugit – illoqarfimmi/nunaqarfimmi suliffeqarfinni eqquutsinneqartarnissaat sulissutigissallugu.
- Ilaasortat suliffeqannginnerisa napparsimanerisalu nalaanni pisariaqartitaminnik ikiorneqartarnissaasa sulissutiginnissaat.
- Sulisartut peqatigiinneranni kammalaatigiinnerannilu katersuuffiussalluni.
- Ilaasortat pisinnaatitaaffii pillugit siunnersortassallugit.
- Suliffinni isumaqaqatigiinnginnerni, soorlu inunnut aalajangersimasunut tunngatillugu suliassani ilaasortat akuuffigisaanni, ilaasortat soqutigisaannik SIK-p allattoqarfia suleqatigalugu illersuissalluni.
- Illoqarfimmi/nunaqarfimmi suliffinni sulisut sinniisaannik qinersisarnissaq qulakkiissallugu, aammalu sulisut sinniisaasa qinerneqartut aqqinik SIK-p allattoqarfianut ilisimatitsissuteqartassalluni.
- Sulisut sinniisaasa suliaat pillugit sulisitsisunik isumaqaqatigiissutit malinneqarnissaat qulakkiissallugu.

Ilaasortat

§ 5. Ilaasortanngortinneqarsinnaapput kikkugaluartulluunniit SIK-p malittarisassaani § 3-mi piumasaqaatinik naammassinnittut.

§ 6. Ilaasortanngorneq pissaaq immersugassamik immersuinikkut atsiuinikkullu. Ilaasortaajunnaarneq imaluunniit allannguutit taamatuttaaq nalunaarutigineqassapput.

Imm. 2. Ilaasortat nutaat immikkoortortaqrarfiup sulinera pillugu paasissutissinneqartarnissaannut siulersuisut akisussaapput.

Ataatsimeersuarneq

§ 7. Ataatsimeersuarneq tassaavoq immikkoortortaqrarfiimi oqartussaasoq qullerpaaq.

Imm. 2. Ileqquusumik ataatsimeersuarneq ukiut marlukkaarlugit ingerlanneqartassaaq marsip qaammataa naatinnagu kingusinnerpaamillu ullut 14-it sioqqullugit najukkami atuagassiatigut nittarsaanikkut, taamaat-toqarpat, kiisalu illoqarfiup/nunaqarfiup allagarsiiviisigut kiisalu suliffeqarfinni allagartaliilluni ilimasaaru-teqarnikkut ataatsimeersuariartoqqusisoqartassalluni. (*Malittarisassat nalinginnaasut aalajangersakkanik minnerpaaffissalliisuummata aalajangerneqarsinnaavoq akulikinnerusunik ataatsimeersuartarnissaq, soorlu ukioq allortarlugu. Taamatut aalajangertoqarpat tamanna uani allanneqaannassaaq.*)

Imm. 3. Ataatsimeersuarnermi oqaaseqarsinnaatitaasut taasisinnaatitaasullu tassaapput ilaasortat ilaasor-taanermut akiliuteqarsimasut tamarmik. Pisinnaatitsissuteqarluni imaluunniit allakkatigut taasisoqarsinnaangilaq.

§ 8. Ileqquusumik ataatsimeersuarnermi ullormut oqaluserisassat ikinnerpaamik makkuninnga imaqas-sapput:

1. Ataatsimeersuarnermi aqutsisussamik imaqarniliortussamillu toqqaaneq
2. Siulersuisut nalunaarutaat
3. Naatsorsuutitik kukkunersiukkanik ilisimatitsissutitut saqqummiussineq
4. Siunnersuutit takkuttut
5. Ilaasortaanermut akiliutip aalajangersarneqarnera
6. Missingersuutit akuerineqarnerat
7. Siulersuisunut qinersineq
 - a) Siulittaasoq
 - b) Siulittaasup tullia
 - c) Siulersuisunut ilaasorta
 - d) Sinnisussat marluk
8. Taasariaqartut allat

§ 9. Ilaasortat immikkoortortaqrarfiimut atassuteqartut tamarmik siulersuisunut qinigaasinnaapput.

§ 10. Siunnersuutit ataatsimeersuarnermi eqqartortikkusutat siulersuisunit tiguneqareersimassapput ataatsimeersuarmissaq kingusinnerpaamik ullunik 8-nik sioqqullugu. Ilaasortat § 7 imm. 3 naapertorlugu oqaaseqarsinnaatitaallutillu taasisinnaatitaasut tamarmik siunnersuutitik taamaattunik saqqummiussi-sinnaapput.

§ 11. Ataatsimeersuarnermi nalinginnaasumik amerlanerussuteqarnikkut aalajangersaasoqartassaaq, malittarisassani allamik allassimasoqanngippat. Taasinerit naligiippata siunnersuut peerneqassaaq;

taamaattorli inummik qinersineq ingerlanneqarpat qinersisoqaqqissaaq. Qinerseqqinnermi taasinerit naligiippata makitsinikkut qinersineq ingerlanneqassaaq.

Imm. 2. Allalluni taasinerit ingerlanneqartassapput, tamanna ataatsimiinnermi peqataasumit – ataatsimit - kissaatigineqarpat, kiisalu siulersuisunut qinigassanngortittut siulersuisuni ilaasortanit amerlanerit qinigassanngortippata.

§ 12. Ataatsimeersuarnermi SIK-p malittarisassaanut immikkoortortaqaqfiullu nammineq malittarisassaanut akerliusunik aalajangiisoqarsinnaanngilaq, aalajangiinerillu pisassapput SIK-p ataatsimeersuarnerani imaluunniit nakkutillisoqarfimmi siulersuisuunerniluunniit aalajangiinerit ataqqillugit.

§ 13. Ataatsimeersuarnermit imaqarniliaq SIK-p allattoqarfianut nassiunneqassaaq kingusinnerpaamik ataatsimeersuarnermit sap. ak. 3 qaangiutsinnagit.

Immikkut ittumik ataatsimeersuarneq

§ 14. Immikkut ittumik ataatsimeersuartaqarsinnaavoq siulersuisuni amerlanerussuteqartut tamanna pisariaqartutut isigippassuk imaluunniit sulisut sinniisaasa pingajorarterutaasa ilaasortalluunniit pingajorarterutaasa atsiormikkut tamanna piumasarippassuk. Piumasarineqartoq ullormut oqaluserisassatut siunnersuummik ilaqartinneqassaaq.

Imm. 2. Immikkut ittumik ataatsimeersuarneq ingerlanneqassaaq tamatumingga piumasaqarnerup siulersuisunit figuneqarneranit kingusinnerpaamik sap. ak. 3 qaangiutsinnagit.

Imm. 3. Immikkut ittumik ataatsimeersuariaqqusisoqassaaq sivikinnerpaamik ullut 14-it sioqqullugit najukkami atuagassiatigut nittarsaanikkut, taamaattoqarpat, kiisalu illoqarfiup/nunaqarfiup allagarsiiviisigut kiisalu suliffeqarfinni allagartaliilluni.

Imm. 4. Immikkut ittumik ataatsimeersuarnermi siulersuisunut qinersisoqarpat qinersineq ileqquusumik ataatsimeersuarnissap tulliuttup tungaanut atuutissaaq.

Imm. 5. § 9 aamma §§ 11-13 taamatuttaaq atorneqassapput immikkut ittumik ataatsimeersuarnermi.

Ilaasortat ataatsimiinnerat

§ 15. Ukiuni ataatsimeersuarfiunngitsuni ilaasortanik ataatsimiisitsisoqartassaaq. Ataatsimiinneq marsi naatinngu pissaaq, sivikinnerpaamillu ullunik 14-inik sioqqullugu ataatsimiigiaqqusisoqassaaq najukkami atuagassiami, taamaattoqarpat, nittarsaanikkut kiisalu illoqarfiup/nunaqarfiup allagarsiiviisigut suliffeqarfinnilu allagarsiinikkut.

Imm. 2. Ilaasortat ilaasortanut akiliummik akiligassiissutaasimasumik akiliisimasut tamarmik ilaasortat ataatsimiinneranni oqaaseqarsinnaatitaallutillu taasisinnaatitaapput. Pisinnaatitsissuteqarluni imaluunniit allakkatigut taasisoqarsinnaanngilaq.

§ 16. Ilaasortat ataatsimiinneranni ullormut oqaluserisassat ikinnerpaamik makkuninnga imaqaassapput:

1. Ataatsimiinnermi aqutsisussamik imaqarniliortussamillu toqqaaneq
2. Siulersuisut nalunaarutaat
3. Naatsorsuutini kukkunersiukkanik ilisimatitsissutit saqqummiussineq
4. Siunnersuutit takkuttut
5. Ilaasortaanermut akiliutip aalajangersarneqarnera
6. Missingersuutit akuerineqarnerat
7. Taasariaqartut allat

§ 17. §§ 10-13 taamatuttaaq atorineqassapput ilaasortat ataatsimiinneranni.

Siulersuisut

§ 18. Siulersuisut immikkoortortaqrifiup ulluinnarni aqunneqarneranut akisussaasuupput, pisussaallutillu immikkoortortaqrifik SIK-p malittarisassai immikkoortortaqrifiullu nammineq malittarisassai naapertorlugit aqussallugu, soorlu siunertat suliassallu § 4-mi taaneqartut sulissutigineqarnerat qulakkiissallugu. Taamattaq siulersuisut malissavaat SIK-p ataatsimeersuarnerani, nakkutilliisoqarfiani siulersuisuunerinilu aalajangiinerit kiisalu immikkoortortaqrifiup ataatsimeersuarnerani aalajangiinerit.

§ 19. Siulersuisut namminneq ulluinnarni suleriaasissartik aalajangersaavigissavaat, siulersuisut akornanni suliassat aalajangersimasut agguataarnissaannik minnerpaamik ilaqartusaaq, kiisalu siulersuisut ataatsimiitarnissaannut sulisullu sinniisaannik ilaasortanillu ataatsimeeqatiginnittarnissamik pilersaaruteqassallutik.

Imm. 2. Siulersuisut aalajangiisinnaassuseqarput siulersuisuni ilaasortat ikinnerpaamik affaat peqataaganngata. Taasinerit naligiippata siulittaasup taasiner aalajangiisuusaaq. Siulittaasup peqannginnerani siulittaasup tulliata taasiner aalajangiisuusaaq.

Imm. 3. Siulittaasooq immikkoortortaqrifiup ingerlanneqarneranut akisussaasuni qullersaavoq, siulersuisulli aalajangernerisigut tamanna siulersuisuni ilaasortamut allamut akisussaaffittut tunniunneqarsinnaalluni.

Imm. 4. Immikkoortortaqrifiup ulluinnarni allaffissornikkut ingerlanneqarnera pillugu siulersuisut pisari-aqartunik aalajangiisassapput, tamatumani aamma allaffimmi sulisunik atorfinitsinerit soraarsitsinerillu pillugit aalajangiinernik.

Imm. 5. Siulersuisunut ilaasortat allaffimmilu sulisut ajunngitsorsiassaata akissarsiaqartinneqarnerallu missingersuusiami ataatsimeersuarnermi imaluunniit ilaasortat ataatsimiinneranni akuersissutigineqartumi allassimassapput.

§ 20. Siulersuisut ataatsimiinnerannit imaqarniliaq SIK-p allattoqarfianut nassiunneqassaaq ataatsimiinnerup kingorna kingusinnerpaamik sap. ak. 3 qaangiutsinnagit.

§ 21. Siulersuisunut ilaasortaq Naalakkersuisunut ilaasortatut toqarneqaruni imaluunniit borgmesteritut qinigaaguni siulersuisunut ilaasortaajunnaassaaq.

Imm. 2. Siulersuisunut ilaasortaq politikikkut suliaqarnini pissutigalugu allamilluunniit pissuteqarluni siulersuisunut ilaasortatut suliassaminik isumaginnissinnaajunnaartutut naliliiguni, taanna siulersuisunut ilaasortaajunnaarniarluni aalajangersinnaavoq.

Tamanna taamaallaat piffissamut killilimmut atuuppat, pineqartooq sulinnigiffeqarallarnissamut akuerineqqaannarsinnaavoq. Sulinnigiffeqarallarnissamut akuerineqartooq siulittaasuuppat, siulittaasup tullia sulinnigiffeqarallarnernerup nalaani siulittaasutut atuutissaaq. Sulinnigiffeqarallarnissamut akuerineqartooq siulittaasup tullerippagu, siulersuisut aalajangissapput siulersuisunut ilaasortaq sorleq sulinnigiffeqarallarnernerup nalaani siulittaasup tulliatut atuutissanersoq. Sulinnigiffeqarallarnissamut akuerineqartooq siulersuisunut ilaasortaappat siulittaasuunngitsoq imaluunniit siulittaasumut tulliuunngitsoq, siulersuisut aalajangersinnaapput sinniisussamik siulersuisunut ilaasortanngortoqassasoq sulinnigiffeqarallarnernerup nalaani atuuttussamik, qinersinermi § 8-mi nr. 7-imi taaneqartumi taaneqarnerpaasimasumik.

Imm. 3. Siulersuisunut ilaasortaq immikkoortortaqrifiup aningaasaataanik atonerluisimasooq siulersuisunut ilaasortaajunnaarsinneqarsinnaavoq. Aningaasanik atonerluisimaneq ilaasortaajunnaarsitsinissaq pitinnagu kattuffiup kukkunersuiuisuanit uppersarsarneqassaaq. Aammattaaq ilaasortaajunnaarsitsisoqarsinnaavoq siulersuisunut ilaasortaq paasissutissanik allagaatinilluunniit immikkoortortaqriffimmut ajoqutaasumik atorneqarsinnaasunik siulersuisunit akuerineqarnani ingerlatitseqqiisimappat.

Imm. 4. Imm. 1-3-mi taaneqartutut pisoqarnerani siulittaasooq siulersuisunut ilaasortaajunnaarpat siulittaasup tullia siulittaasuunngussaaq ileqquusumik ataatsimeersuarnissami tulliuunngitsumi siulittaasumik nutaamik qinersinissap tungaanut. Taava siulersuisut siulittaasup tullianik nutaamik qinersissapput. Tamatuma peqatigisaanik siulersuisuni sinniisussaq qinersinermi § 8-mi nr. 7-imi taaneqartumi taaneqarnerpaasimasooq siulersuisunut ilaasortatut atuutilissaaq.

Siulersuisut aalajangersinnaapput periaaseq qulaani taaneqartooq atornagu immikkut ittumik ataatsimeersuariaqqusisoqassasoq piaarnerpaamik siulittaasussamik nutaamik qinersinissaq siunertaralugu.

Imm. 5. Imm. 1-3-mi taaneqartutut pisoqarnerani siulittaasup tullia siulersuisunut ilaasortaajunnaarpat siulersuisut siulittaasup tullianik nutaamik qinersissapput siulersuisunut ilaasortat akornannit. Tamatuma peqatigisaanik siulersuisuni sinniisussaq qinersinermi § 8-mi nr. 7-imi taaneqartumi taaneqarnerpaasimasooq siulersuisunut ilaasortatut atuutilissaaq.

Imm. 6. Imm. 1-3-mi taaneqartutut pisoqarnerani siulersuisunut ilaasortamik siulittaasuunngitsumik imaluunniit siulittaasumut tulliuunngitsumik siulersuisunit tunuartoqarpat siulersuisuni sinniisussaq qinersinermi § 8 nr. 7-imi taaneqartumi taaneqarnerpaasimasooq ilaasortanngussaaq. Sinniisussat arlallit amerlaqatigiinik taaneqarsimappata, imaluunniit sinniisussat taasinertaqanngitsumik qinigaasimappata, kina siulersuisunut ilaasortanngussanersoq makitsissutigineqassaaq.

Aningaasaqarneq, naatsorsuutit aamma kukkunersuiineq

§ 22. Immikkoortortaqrifiup ukiumoortumik naatsorsuutaasa qaammatisiutit ukiuat malissavaat.

Imm. 2. Siulersuisut immikkoortortaqrifiup naatsorsuutai akuersissutigissavaat, taakkulu tamatuma kingorna ilisimatitsissutitut ataatsimeersuarnermi imaluunniit ilaasortat ataatsimiinneranni saqqummiunneqassapput. Naatsorsuutit kukkunersuiuisumit SIK-p ataatsimeersuarnerani qinerneqarsimasumit kukkunersiorneqartassapput.

Imm. 3. Peqatigiiffiup naatsorsuuserissunneqarnera SIK-p allattoqarfiani naatsorsuuserisumit ingerlanneqassaaq, taanna aammattaaq peqatigiiffiup kontuinut netbankikkut isersinnaanermut

akuersissummik peqartussaalluni. SIK-p allattoqarfiata qaammatit tamaasa naatsorsuutitut allattukkat anillatsillugit immikkoortorta qarfirmut nassiuttassavai.

Atsiornissamut maleruaqqusat aningaasanut akisussaassuseqarneq

§ 23. Immikkoortorta qarfik sinnerlugu atsiorsinnaatitaavoq siulittaasoq aamma ikinnerpaamik siulersuisuni ilaasortaq ataaseq. Taarsigassarsiaqarnermi aamma illuutigisamik tunisaqarnermi pisinermilu imaluunniit qularnaveeqqusiussermi peqatigiiffik sinnerlugu siulersuisunut ilaasortat tamarmik atsiqataassapput.

Imm. 2. Immikkoortorta qarfirmut ilaasortat immikkoortorta qarfiup pisussaaffigilersimasaanut inuttut ataasiakkaatut pisussaaffilerneqarsinnaanngillat.

Malittarisassanik allanngortitsineq

§ 24. Malittarisassat taamaallaat ataatsimeersuarnermi 2/3-mik amerlanerussuteqartunit allanngortinneqarsinnaapput, tassani allanngortitsinissamut siunnersuut ullormut oqaluuserisassani allassimassalluni. Malittarisassat taakku minnerpaamik imaqqassapput aalajangersakkanik immikkoortorta qarfiit malittarisassaanni nalinginnaasuni SIK-p ataatsimeersuarnerani akuersissutigineqarsimasuni allassimasunik.

Imm. 2. Malittarisassanik allanngortitsinerit ataatsimeersuarnermi akuersissutigineqarnerminnit atuutisapput.

Immikkoortorta qarfirmik atorunnaarsitsineq

§ 25. Immikkoortorta qarfirmik atorunnaarsitsineq taamaallaat ataatsimeersuarnermi pisinnaavoq, tassani atorunnaarsitsinissaq ullormut oqaluuserisassani allassimassalluni, ataatsimeersuarnermilu peqataasut 2/3-isa siunnersuut akuerippassuk.

Imm. 2. Atorunnaarsitsineri immikkoortorta qarfik akiitsoqarpat taakku akiligassa qarfinnut akilerneqassapput. Pigisat sinneruttut, tassunga ilanngullugit allattaaviit protokolit, imaqarniliat il.il., SIK-p allattoqarfianut tunniunneqassapput.

Ataatsimeersuarnermi akuersissutigineqartut ulloq 24.04. 2022

Siulersuisut:

Siulittaasoq_Pele-Knud Mathiessen 

Siulittaasup tullia_Karen Davidsen 

Siulersuisunut ilaasortaq_Jens Sandgreen 